

e-Dinamik

MAJALAH DIGITALAKADEMIA UiTM CAWANGAN JOHOR

eISSN: 2682-7832



EDISI KETUJUH 2025



اَبُو رَسِيْدِيْنَ تَبَاكُوْلُوْكَ اِمْرَا
UNIVERSITI
TEKNOLOGI
MARA



PERUTUSAN REKTOR

Assalamualaikum warahmatullahi wabarakatuh,
Salam Sejahtera dan Salam UiTM Dihatiku.

Segala puji bagi Allah SWT kerana dengan izin-Nya, Majalah Digital Akademia UiTM Cawangan Johor, e-DINAMIK Edisi 2025 dapat diterbitkan dengan jayanya. Syabas dan tahniah diucapkan kepada seluruh sidang editorial atas komitmen, ketekunan, dan dedikasi dalam memastikan penerbitan ini terus menjadi wadah intelektual yang bermakna.



Penerbitan e-DINAMIK bukan sahaja berfungsi sebagai medium dokumentasi hasil penulisan ilmiah, kreatif dan penyelidikan, malah menjadi platform penting bagi warga akademia untuk menyalurkan idea, pandangan, dan dapatan kajian dalam pelbagai bidang. Edisi kali ini tampil lebih segar dengan isu-isu semasa yang menyentuh pelbagai aspek global yang kian kompleks.

Saya percaya usaha ini mampu memperkukuh budaya penulisan akademik dalam kalangan pensyarah serta menyemarakkan amalan perkongsian ilmu merentasi sempadan disiplin. Melalui inisiatif ini juga, diharapkan lebih ramai pensyarah dan penyelidik dapat melangkah ke tahap yang lebih tinggi dalam menghasilkan penerbitan berimpak serta berindeks antarabangsa.

Sekalung penghargaan ditujukan kepada Timbalan Rektor (Penyelidikan dan Jaringan Industri) bersama pasukan editorial yang sentiasa konsisten memastikan kesinambungan penerbitan e-DINAMIK dari tahun ke tahun. Semoga majalah ini terus menjadi sumber inspirasi, rujukan dan motivasi kepada seluruh warga UiTM serta pembaca di luar sana.

Akhir kata, saya berharap e-DINAMIK 2025 ini akan terus menjadi medan ilmu yang dinanti-nantikan setiap tahun. Semoga segala usaha ini diberkati dan memberi manfaat buat semua.

Sekian, terima kasih.

PROFESOR MADYA DR. SAUNAH ZAINON

Menjalankan Fungsi Rektor
UiTM Cawangan Johor

PERUTUSAN TIMBALAN REKTOR BPJIA

Assalamualaikum warahmatullahi wabarakatuh dan Salam Sejahtera,

Alhamdulillah, setinggi-tinggi kesyukuran dipanjatkan ke hadrat Allah SWT kerana dengan izin dan rahmat-Nya, penerbitan Majalah Digital Akademia UiTM Cawangan Johor, e-DINAMIK Edisi 2025 dapat direalisasikan.



Saya ingin merakamkan penghargaan yang tidak terhingga kepada Yang Berusaha Prof. Madya Dr. Saunah Zainon, Rektor UiTM Cawangan Johor, atas sokongan dan dorongan yang berterusan dalam memperkasakan budaya penulisan serta penerbitan akademik di UiTM Cawangan Johor. Sesungguhnya, e-DINAMIK telah menjadi wahana penting untuk menyalurkan idea, mengasah bakat serta mendokumentasikan pelbagai bentuk penulisan merangkumi karya, kreatif, laporan aktiviti dan isu semasa yang berkaitan dengan warga akademia.

Lebih daripada sekadar sebuah majalah digital, e-DINAMIK merupakan cerminan kecemerlangan akademik UiTM Cawangan Johor, selain membuka ruang yang lebih luas untuk mengetengahkan pencapaian, keterlibatan komuniti, serta perkembangan fakulti dan jabatan di Kampus Segamat dan Kampus Pasir Gudang. Saya percaya usaha ini juga dapat meningkatkan visibiliti universiti di persada negara mahupun antarabangsa.

Penerbitan ini tidak akan berjaya tanpa komitmen padu sidang editorial serta sumbangan para penulis yang dengan ikhlas berkongsi masa, tenaga, dan ilmu demi menjayakan hasrat murni ini. Saya amat berharap inisiatif sebegini dapat menyemarakkan lagi minat warga akademia untuk terus berkarya serta menghasilkan penulisan bermutu tinggi yang memberi manfaat kepada masyarakat.

Akhir kata, sekalung tahniah dan syabas kepada semua pihak yang terlibat dalam menjayakan penerbitan e-DINAMIK Edisi 2025. Semoga usaha ini berterusan dan menjadi sumber inspirasi kepada semua pembaca.

Sekian, terima kasih.



DR. FARIDAH NAJUNA MISMAN

Timbalan Rektor (Penyelidikan & Jaringan Industri)
UiTM Cawangan Johor



PENAUNG

Profesor Madya Dr. Saunah Zainon

PENASIHAT

Dr. Faridah Najuna Misman

PENYELARAS

Dr. Nur Fatimah Shaari
Dr. Noor Hidayah Ab Aziz

KETUA EDITOR

Aidarohani Samsudin

PENOLONG KETUA EDITOR

Dr. Fatin Farazh Ya'acob

EDITOR AKADEMI PENGAJIAN BAHASA

Zuraidah Sumery
Farhana Idris
Siti Aishah Taib

EDITOR AKADEMI PENGAJIAN ISLAM KONTEMPORARI

Munirah Zakaria
Mohamad Zaki Razaly
Dr. Muhammad Fahmi Md Ramzan



SIDANG REDAKSI

EDITOR JABATAN UNDANG-UNDANG

Norintan Wahab
Zuramaznum Sainan

EDITOR FAKULTI PENGURUSAN DAN PERNIAGAAN

Ainol Mardhiyah Rahmat
Che' Khalilah Mahmood
Dr. Nur Fatihah Shaari
Dr. Suhana Mohamed
Ferri Nasrul
Mohamad Azwan Md Isa
Muharratul Sharifah Shaik Alaudeen
Norfariza Mohd Ali
Rosmah Abd Ghani @ Ismail
Ruziah A. Latif
Siti Noorhaslina Abd Halim
Siti Nordiyana binti Ishak
Zaibedah Zaharum

EDITOR FAKULTI PERAKAUNAN

Ahmad Marzuki Amiruddin Othman
Juyati Mohd Amin
Nuruu Ain Fauzi
Nursia Yuhanis

EDITOR FAKULTI SAINS GUNAAN

Dr. Saiful Najmee Mohamad



EDITOR FAKULTI PENGURUSAN MAKLUMAT

Azura Abdul Jamil @ Kamarudzzaman
Rohayu Ahmad
Siti Hasma Hajar Mat Zin

EDITOR FAKULTI SAINS KOMPUTER DAN MATEMATIK

Haslenda Yusop
Dr. Nur Syamilah Arifin
Dr. Wan Munirah Wan Mohamad
Noraisyah Abdl Aziz

EDITOR FAKULTI KEJURUTERAAN

Azyan Zafyrah Mohd Zahid
Dr. Wan Nur Fazlina Abdol Jani
Noorashiekin Khalid
Mazni Mat Zin
Nurrul Amilin binti Zainal Abidin
Nurulnatisya binti Ahmad
Ts. Dr. Siti Aminah Nordin
Ts. Muhammad Imran Ismail

REKABENTUK DAN GRAFIK

Shahrul Amir Bin Shaheran
Mohamad Hanif Bin Awaludin



BIODATA IMAM ASY-SYAFI'I

Mohd Zainodin Mustaffa, Nurfarhana Mohd Daud

Imam asy-Syafi'i rahimahullah atau nama sebenar beliau, Muhammad bin Idris asy-Syafi'i merupakan mujaddid (pembaharu) pada abad ke-2 Hijrah. Beliau telah diiktiraf sebagai mujaddid agama Islam bagi kurun yang kedua kerana telah menghimpunkan di antara dua manhaj, iaitu manhaj Ahlu Ra'yi yang diasaskan oleh Imam Abu Hanifah dan manhaj Ahlu al-Hadith yang diamalkan oleh Imam Malik bin Anas. Beliau dilahirkan di bandar Gaza, Palestin pada tahun 105 Hijrah pada zaman pemerintahan kerajaan Abbasiyah. Nasab beliau bertemu dengan nasab Rasulullah SAW pada moyang mereka berdua iaitu Abdul Manaf.

Bapanya telah meninggal dunia ketika usianya masih kecil. Ibunya telah membawanya ke Hijaz ketika usianya 2 tahun dan seterusnya ke Mekah pada usia 10 tahun. Beliau memiliki kecerdasan akal serta kekuatan hafalan sehingga berjaya menghafal al-Quran ketika berusia 7 tahun. Pada usia 13 tahun, beliau bermusafir ke Madinah untuk menuntut ilmu dengan Imam Malik. Beliau terlebih dahulu telah menghafal kitab al-Muwatta karangan Imam Malik ketika berusia 10 tahun. Imam Malik mengagumi ketekunan dan semangat beliau dalam menuntut ilmu.

Imam asy-Syafi'i sangat tekun menuntut ilmu. Beliau mula mempelajari ilmu fiqh dari Muslim bin Khalid al-Zanji, mufti Mekah. Kemudian beliau berpindah ke Madinah dan untuk berguru dengan Imam Malik bin Anas sehingga kewafatan gurunya pada tahun 170 Hijrah. Beliau juga pernah merantau ke Yaman, Kufah, Basrah, Baghdad dan Mesir bagi mendalami ilmu serta melakukan perbincangan dan perbahasan ilmu. Al-Rabi' bin Sulaiman bercerita, "Imam asy-Syafi'i selalu membahagikan masanya kepada tiga bahagian. Satu bahagian untuk ilmu, satu bahagian untuk ibadah dan satu bahagian lagi untuk tidur.

Antara guru Imam asy-Syafi'i ialah Muslim bin Khalid al-Zanji, Sufyan bin Uyainah, Said bin Salim al-Qaddah, Malik bin Anas, Hisyam bin Abu Yusuf, Waki' bin Jarrah al-Kufi dan Abu Yusuf, Qadhi al-Qudhah. Manakala antara murid beliau ialah Ahmad bin Hanbal, Yusuf bin Yahya al-Buwaiti, Ismail bin Yahya al-Muzani, al-Rabi' bin Sulaiman dan al-Rabi' bin Dawud al-Jizi.

Imam asy-Syafi'i telah menulis dan mengarang banyak kitab dalam pelbagai disiplin ilmu. Antara kitab karangan beliau ialah:

- i. ar-Risalah.
- ii. al-Umm.
- iii. al-Hujjah.
- iv. Jam' al-Ilmi.
- v. al-Musnad.
- vi. al-Amali.

Imam asy-Syafi'i pernah menerima ujian yang berat dalam ilmu dan dakwahnya. Beliau telah dituduh sebagai berfahaman Syiah dan hampir dikenakan hukuman bunuh. Beliau juga diuji dengan penyakit buasir sehingga tidak mampu duduk dengan tenang. Beliau berkahwin dengan Hamidah binti Nafi' dan mempunyai tiga orang anak, seorang putera dan dua orang puteri.

Pada tahun 195 Hijrah, beliau berhijrah ke Kota Baghdad dan menetap di sana selama 3 tahun. Kemudian beliau berhijrah ke Mesir pada tahun 199 Hijrah dan menetap di sana sehingga akhir hayatnya. Imam asy-Syafi'i meninggal dunia pada tahun 204 Hijrah ketika berusia 54 tahun di sisi muridnya yang setia, iaitu Imam al-Rabi' bin Sulaiman al-Muradi rahimahullah.